

浙江府縣志輯

中國地方志集成

康熙錢塘縣志
嘉慶錢塘縣志補

中國地方志集成

浙江府縣志輯④

康熙錢塘縣志

嘉慶錢塘縣志補

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸
王海浩

中國地方志集成
浙江府縣志輯④

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二六四元

1993年6月第1版 1993年6月第1次印刷
ISBN7-80569-815-5/K·110
沪新登字119号

重修錢塘縣志序

宰一邑者知一邑者也微特戶口

宜知賦役宜知卽舉境以內山川

風物品行文章以及歷代之廢興

因革罔不宜知然後以其所知見

之所行始有以合人情而宜土俗

王序

此縣志之所由重也考之周禮掌

邦國之志有小史掌四方之志有

外史掌天下之志有職方氏志固

未有不自小以及大由近以及遠

者我

皇上膺圖御宇聲教覃敷窮髮雕題咸

隸版籍爰修一統志以潤色鴻猷

而要必取徵於縣志豈不以縣之

所志尤爲親切著明纖悉具備哉

倘不及時修輯則缺畧必多一遇

上司檄取輒求殘篇於蟲魚蠹蝕

之餘是宰之目中實未見一縣之

王序

志書則宰之意中豈復知一縣之

政事宜其行之多舛矣非所以副

民望也歲丙申予膺

簡命提刑兩浙兩浙固名勝大邦而錢

塘稱最及取閱縣志自萬歷迄今

百餘年間槩無作者雖井疆不改

風景依然但此百餘年間豈無因
時損益足以備參考者乎豈無應
運挺生足以光邦國者乎豈無冰
心雪操足以振頽風而礪末俗者
乎奈何其泯泯也況自

六龍巡幸以來

王序

三

天章燦爛焜耀湖山而志乘不光職誰
之咎此魏令下車急以纂修爲己
任因日與賢士大夫稽古牒續新
編捐俸以授梓人而不敢他誘也
旣帙成問序於予予省覽其簡編
次序本末源流若振領提綱若棋

布星列使錢邑上下數千百年之

事寓目瞭然是何其知之詳也夫

錢邑劇邑也地當東南水陸交衝

之會舟車絡繹案牘糾紛率卽戴

星出入猶且日給不暇乃欲於倥

偬聽斷之餘吮毫擗管援古証今

王序

四

以成一邑之志此非長於才而充

於學者不能而魏令今爲之斯誠

善矣抑予更有進焉者昔人有言

非知之艱行之維艱今魏令于其

邑旣舉數千百年之山川風物而

悉知之則目前之正疆界備旱潦

者益嘗有以盡厥心舉數千百年之品行文章而悉知之則目前之礪廉隅廣教化者更當有以堅厥志舉數千百年之廢興因革而悉知之則目前之遂民生除物害者愈當有以致厥誠所云以其所知

王序

五

見之所行合人情而宜土俗者此也魏令其勉之他日者

輜軒下採卽以是志爲入

告之資而豈特爲一邑之光哉是爲序

皆

康熙戊戌重陽前二日之吉

誥授資政大夫浙江等處提刑按察使
司按察使加四級襄平王之麟題

王序

錢塘縣志序

錢塘負山面海浙水走滙腹抱西湖而外環海塘乃吳越之門戶漢會稽西部都尉治焉湖之蓄泄始于唐修于宋塘之堅圉興於漢復於錢氏古賢勤民爲國所以滋灌

汪序一

漑禦潮汐豈但爲游觀之美而已况自宋南渡聲明文物於古蓋齊魯之邦也吏茲土者于一邑無所不當問而縣志由明萬歷以後闕焉不講文獻無徵關于吏治甚大南樂魏君頤以名進士來爲宰慨

然以爲已任博訪典實招延名士凡歷若干時而後成文簡事核門部分明一邑之故展卷在掌專用以資爲治而供吟覽助博物次焉今天子分星野物土疆測量繪畫之使徧于天下輿地圖書於古罕比大

汪序二

吏留心民事捐錢伐石興築捍海之堤古人方畧此書可考而浚井去葑以利民田無不畢載則君之所爲其贊文治而佐藩條者其所裨補抑豈小哉余視學于此歷六寒暑矣往來江上覽山川之勝與

戶口之繁欲考其古今之變以爲
美風善俗之一助而苦無徵今得
君之志其惠我者多矣于其請序
故不辭而爲之

提督浙江等處學政翰林院侍讀
學士加二級新安汪澹題於嘉禾

汪序三

試館



序

郡邑之有志也王者三重之道寓乎
其中六經言其理志乘載其事人以
爲志與史同而吾以爲志重於史史
浩繁而難窺志簡核而易考史迂遠
而志親切其用不同也於以昭紀綱
察理亂別貞淫厚風俗均在乎是不
徒沾沾戶口賦役里市物產瑣屑之
務而已自一邑而推之州郡州郡推
之直省天下莫不皆然志顧不重乎
哉錢塘自嬴秦迄今二千餘年地大
而事繁山川人物申於九有萬歷而
後閭無志乘我

錢塘縣志

自序

皇清統一區寓

聖天子赫濯聲靈所以子元元覃教化者
莫不鋪張盛業鼓吹休明而茲邑志
乘不光豈非

盛朝之缺典乎嚬承乏是邑兩年來兢兢
竊負幸無隕越暇遂與邑中賢士大
夫謀襄是役咸鼓舞樂從請諸 各
憲僉獲報可未幾有以難相沮者予

錢塘縣誌

自序

二

慨然曰何難乎泱泱大邦文獻非無
徵也賢才萃處三長非乏選也倘以
供億剗剗之費是虞則築室道旁三
年不成舉之而已人謀具臧必天心
之所佑也於是聘名賢羅載籍選名
勝之區是纂是輯六閱月而志成予
俯而思仰而歎謂錢塘之志不同他

邑區區誇湖山之佚麗颺都邑之繁
華侈詞翰之藻艷羨古蹟之幽奇何
益於風教何補於經濟乎必也覽之
而使人知

帝德之閎深

王謨之訂定則同軌之德昭知 名臣之

撫收 賢尹之承宜則同倫之化洽

錢塘縣誌

自序

三

知人材之奮興士氣之昌醇則同文
之教著外此而爲湖山之遊讌風同
倚肸則非秦賈之淫濫矣閭井之恬
熙俗追唐魏則非宋明之佚樂矣文
章之彬郁盛同鄒魯則非美成之樂
府臯羽之哀愁矣如是而始爲

本朝之雅志於以揚盛業而贊休明豈不

偉哉嶮學儉材蕪何足以幾萬一而
唯是與編纂諸公共相決擇存其正
弗存其詭存其實弗存其誇庶幾弗
貽十斛米之譏三家村之誚焉耳爰
拜手而序次於簡末

崑

康熙五十七年歲次戊戌端月下泮

錢塘縣誌

自序

四

南樂魏嶮題

舊序

豫章韓純中先生初試爲令來蒞錢塘調苛澍膏理數
邑爲之五年而民安士附心歌腹詠有神靈委雅之化焉
頃以其暇探藉乘蒐秘佚發凡證例汰冗酌宜徵之文獻
爲縣志既成以示承學鮮因祇肅披讀而起曰懿歟哉公
之爲茲舉也蓋志之不可無者三而有則衆嫩備焉禹貢
揚州之分野武林屬吳而錢塘之名實自秦始新室改爲
泉亭東漢仍復其舊入國朝辨疆正域始析邑而九則錢
塘昔爲統稱今爲專設而著名最古非他邑比則志之不
錢塘縣誌
序 吳
可無者一也方輿所載枚乘七發所稱漸江秋濤及兩峯
三竺明聖六橋諸勝不減方壺閬風探幽訪奇之旣無日
無之而皆屬之錢塘則志之不可無者二也地在東南原
爲海門潮汐之衝不宜於封建而龍飛鳳舞夙以錢塘爲
識迺武肅之創起南宋之偏安後先數百年爲帝王冠履
之基良非偶然按圖攷跡取符譜牒豈特若風土記者舊
傳之僅侈覩聞者哉則志之不可無者三也第振古逮今
未有注念及此者而干載曠典待公肇新如長庚之初旦
亦奇矣然愚知公之非徒揚詡爲也先王量地制邑申畫

郊圻書稱庶土交正謂疆壤經緯粲然可紀周禮九職九
兩六聯八成之法廣及閭閻數收大爲師儒賓客細至貨
販閒民並埒爲宰治宏規而邑令比諸子男爲親民之要
視百里內如髮膚枝節癢癢相應布德同風起化因俗眠
疵察微燭照黍計則邑之有志正振振持領舉綱收網羅
川原民社於指掌而鑒沿革善敗於青紳者也顧可闕歟
今觀其紀疆則塘壑畝藉登耜廢典之總括也紀制則琴
堂花署葺宇琳宮之臚列也紀勝則神霄仙的翠巘丹瀛
之鱗次也紀都則祖社朝市龍旋虎變之臨馭也紀官則

錢塘縣志

序

二

元君悲歌黃髮孽壤之芳躅也以至忠貞義俠金石不雕
白閣青雲芳華並振賦奏菟園之鳳律文呈元圃之夜光
遂復採逸禮於殘竹聽遺詩於達路而祇經怪牘漆書竹
簡名山一家之言無不綴焉猗歟盛哉鑄古集今以述爲
創詳而不繁簡而有體可以志矣公雲霧景煥功用力與
錢塘首被撫摩而令緒豐功此爲冠冕正爲班匠施功夢
衰准法音節既諧地靈若關其有補於貴俗經野之治信
非淺也承學不敏復紆誦於圖籍山水之中以頌數休美

樂

事又一奇遊矣是爲

叙

重修錢塘縣志序

天下之事皆始於州縣者也
凡刑名錢穀教化風俗無不
肇端於一邑而由是而郡守
由是而藩臬大中丞奏之而
六曹總其成天下之志亦始於

段序

一

州縣者也凡山川人物風土
物產無不散見於一邑而由
是而郡志由是而省志輶
軒採之而一統志總其成縣
志之所關顧不重哉獨是纂
他邑之志易纂錢塘之志難

以何以故他邑之志編紀簡而

載筆約不三四冊可以備乃

事若錢塘東南一大都會也

無論名山勝水古蹟芳躅以

及井疆徭賦之屬繁而不可

紀極也自南渡後賢人君子

序

二

之臺於斯土以及名人韵士

之所遊覽題咏又美不勝收

也況我

皇上翠華巡幸五至此邦凡大澤

之滂洽

宸翰之璀璨尤歌咏愛戴於匹夫匹

序

今華心湯日不依蒞錢塘五年覽勝湖山攷創紀所繇來
編懷昔賢濬水既田致焚燹穀米水泉之用世世功德於
民者直與錢塘相終始其代則唐宋皇明其人則李鄴侯
白文公錢武肅蘓文忠楊郡伯詢之掌故則缺焉而未志
謀之老成則諱焉而不任核之見聞則繁焉而無當徵之
載籍則畧焉而不備即有嚴處奇士偏部短紀隨時間作
皆其細而遺其大得乎此而失乎彼于是取郡志西湖志
而損益之撮其大旨去其繁重其未有者及事詞散出難
錢塘縣誌 序

于綴編者必問遺訓客故實以次講求增補焉有徵可信
因義起例釐爲十紀考城郭阡陌賦役食貨吾得紀疆考
湖山泉源形勢繹絡吾得紀勝考祠寺宮觀倉舍吾得紀
制考建茅昨土墟社董鼎吾得紀都考良令幕佐師儒吾
得紀官考辟舉科貢封錫吾得紀士考鴻碩名賢淑懿高
行吾得紀獻考灾祥風俗吾得紀事考古今藝林著述吾
得紀文而僊釋方伎與異事叢談寰中物外之奇則以外
紀附見亦旣彬彬乎博收約取目相錯綜明纂述之事矣
語曰千金之裘非一狐之腋也豈不然哉刻既成有問於

余者曰志者史之流也合散一殊巨臚細列人詳物叢探

索必覈循名責實發為藻華義經道緯此可以觀才識存
往詔來徵惡備舉據其可知有疑必闕總徵說約勤一懲
百其文則史其義則經此可以備法戒維風莫大於敦俗
敦俗莫先於著教比事連類託物寓警俾閱是編者察吏
治所以良窳財賦所以盈縮人才所以虛實戶口所以登
耗風氣所以醇移于以蚤見力挽酌弛張而分輕重此可
以宣風教不佞瞿然謝曰夫若是者余則安能余則安能
惟是雍洽之世人文輩出聖皇在宥道術宜期而錢唐以

錢塘縣志

序

二

首藩名邑志乘缺如心湯適承乏茲土不為網羅論戰廢
簡編之遺文心湯則懼矣是舉也不過經省衆說斷以已
意使缺者舉之諱者明之繁者約之畧者詳之取其足以
備觀覽志遺忘而已若夫辨疆程土稽俗慎封求其源委
時其浚治防其僇佚使井邑生聚富庶百年一日以俟後
之君子紹明前烈焉

萬曆三十七年仲冬之朔

舊序

仁和陳禹謨誤

古方國皆有史史亦世其官天子歲遣行人采之觀治亂
謠俗而羣后述職又輒以其建置廢革貢諸天子太宰
其得失而殿坡焉其列在內外史概可覆而按也雖周之
季如南宮适之徒猶得百十二寶書而志之楚左史相能
讀墳典丘索而子章且將敷其所不識文獻之徵蓋其難
已吾浙星野爲斗女之分方域隸揚州之內厥土塗泥厥
賦下上錯瑀堤篠錫齒華羽毛惟木虞夏之文已能志之
而漢以來物產人文幾與上國埒迺錢唐之名最著而我

錢塘縣志

序

一

國家更置郡邑列於省會披輿圖爲千百城冠其山川壤
麗舟車輻輳甲于天下而聲名文物英賢照映殊尤絕跡
足爲百世徵者豈宜無紀考浙之志成于嘉靖之辛酉杭
之志成于萬歷之戊寅而志錢唐者寥寥二百餘年其間
汶弗彰之謂何設令天子修外史之職詢掌故于方國其
敢以不敏應歲之作疆邑令聶侯庭空政成輒喟然曰豈
不穀是爲而乘載不備故實無稽胡以法前修而憲將來
也于是網羅軼文旁采聽睹而甄叙論列悉自躬裁爲紀
者凡十曰疆域曰勝覽曰制度曰都邑曰官職曰士品曰

遺獻曰文章而仙釋方技齊諧稗說亦畧具焉夫分疆現
土稽慶攷憲非情核弗勝也屬辭比事詮奇表異非博綜
弗勝也而褒鉞片言彰瘡百世又非持大公而秉直道弗
與也由茲以譚其非迂遠腴鮮之務可知而寥寥二百餘
年者胡以也矧今之述邑嫫者又異其困洪濤翕縮兩海
一經高峯際天旁魄緯星不然則縷絲織文竹箭南金
服切雲目眩心驚又其大者詩書禮樂闕闕而是衣履冠
帶衡統旂纓此皆所以志乎而非也富草昧初余不具論
如成公之際休養教化官不識民民不識吏幾于雅睢肝

錢鼎縣誌

序 陳

二

肝之風而今然乎哉法令滋章媮靡日甚一唱百和走則
如驚士之不馴而競也民之朴而也重以水旱頻仍
不時之災征輸無藝之擾當事者蓋有隱憂焉吾意侯之
爲是志也其上諸金匱石室無廢外史氏之職幸甚無亦
惟是上計之日報諸天子如古述職故事或其垂念東南
士風民力而稍加之意乎自今日往後圖指掌曷與曷廢
某善某良較若列筭觀若畫一則與侯代興者夫豈無賴
焉我國家無疆歷服幅員萬里而錢唐得贖于督允幾輔
開其二百餘年之文獻忽耀閣沒于九明則昔人所

不朽計者端在是矣余奉命按籍留都而造故里適侯議
築南湖貽邑永利有味乎遠慮勇斷二語足爲循良著蔡
且樂觀斯志之成也遂不辭侯之請而僭叙其端
萬歷己酉冬孟吉旦

序 陳

三

舊序

今上御極之十有年四方嚮化海宇同風凡累朝未聞之疆士悉隸版籍

天子開明堂受方物因考圖數其疆維而興曰此非我

祖宗積累之久櫛沐之勤無以致是今將濟萬方之心志俾

出於一必先考夫山川之險易人物之秀樸以周知

剛柔奢儉之宜爰

命修一統志以昭示永久於是部檄下直省各直省以部

檄下所轄郡邑而尤植適符來令錢塘快睹修明

錢塘縣誌

舊序

一

盛事深懼謬陋無以奉揚

上意為徬徨者久之竊念一統志之成必自一邑始誠使

邑長吏各慎其事以上諸郡則為一郡之書郡長吏

各總其要以上諸省臣則為通省之書彙諸省之所

登而牘陳之加詳核焉於以播之邦國垂之萬世則

為大一統之全書矣然則一邑者一統之所權輿也

其可忽諸乃考錢邑舊志為故明神宗時纂令心湯

增修距今六十餘載其間代已更革急有俟於後人

之補輯而兵燹凋殘故家遺籍十存一二卽零碑斷

碣亦半沒於荒烟蔓草之中如是而欲訪求廢墜搜

討故實以成一邑之勝觀不誠難哉所幸城郭猶是

湖山如昔夢華桑海之傳東湖西臺之紀側出於劫

灰既燼之餘猶足供今日之考証逮入

國朝以來割城分閫節制上游遂為全浙重鎮三十年

間人文秀美風俗醇厚其卓越可傳者筆不勝書用

是輟簿領之餘暇與邑中賢士大夫憑今弔往參羣

屹屹訖有成書較哥令故帙殆加半焉猶歉備矣值

閏氛不靖有震鄰之恐軍書旁午師旅之往來供億

錢塘縣誌

舊序

一

須促向時筆床硯匣非車塵馬足間物其事遂止顧

思錢邑為東南都會錦衣故址聖湖遺跡聞其風者

猶動脂車之慕謂我為邑長於斯而能悠然焉者况

景濂猶新成編具在倘秘而不宣必且下八乙之觀

而來六丁之擾非彼都人士之意亦非余之初心也

用付剞劂以傳之海內方今

聖明神武掃蕩羣氛修王會之圖而重申修志之

令此書實為郡邑之嚆矢矣謹撰序而俟之

康熙庚申五月同知曹錢塘縣事盧宗梁允植題

序

邑之有志所從來遠矣周禮外史掌
四方之志小史掌邦國之志天子巡
狩方嶽則太師陳詩以觀民風而俗
尚之美惡治理之得失胥於是乎在
志之體與史異而功與史同豈細故
哉錢唐古於越地襟江負海環以湖

張序

山雄奇秀發震耀寰宇值

國家久道化成

聖天子愛養生息淪肌浹髓而又

翠華屢幸

宸翰輝煌一草一木莫不被潤澤而大豐

美於是時而導揚休明搜羅文獻用

昭一道同風之盛誠官斯土者之責

也南樂魏君來宰是邑念舊志殘闕

閱百四十年未有起而議修者乃延
縉紳文學闢館簪筆捃摭鈎貫細大
不遺凡山川人物制度賦役城郭溝
洫一一溯源窮流瞭若指掌文直而
事核法嚴而辨精志成請序於余余
惟今天下沐

張序

二

聖天子仁壽昇平之福而錢唐爲

巡方游至之地被澤尤深覽斯志也而因
以矯俗尚之浮靡進治理於淳古俾
無負我

皇上加惠元元至意竊願與魏君共勉之

矣時

康熙五十七年歲次戊戌仲秋穀

錢塘縣志凡例

作志之體貴博采而約收事該而言簡若務闢靡誇多必至喧客奪主是編寧譏詞固必正體裁

志錢塘異乎他邑荒陋之區藻繪爲難是邑湖山之勝既甲天下而雄藩之割鎮休養百年帝胄之偏安繁華累葉不事鋪張天然焜耀儉儉寒瘦之辭殊覺不稱夫惟大雅卓爾不羣知已諒有同心耳

錢塘首見秦紀先浙省杭州府而得名最爲近古然究不知取義何由考之詩曰中唐有甓唐塗也古從唐後

錢塘縣誌

凡例

一

從塘其義同至華信之說事在築塘無關命名不必附會而穿鑿也愚意荒服而後夏后治水又土作貢盡力溝洫則捍海防江之法應不俟後代始作而況歷三代之久聖君賢相寧不講求議曹蓋修葺之非初始也至錢武肅王始易爲石謂因華信得名謬矣郡邑形勝疆理塘壑以及田賦丁徭之屬有關國計民生古今損益者不宜厭卷帙繁多過爲裁損卽琳宮瓊觀逸事叢談足資登臨風雅亦不敢遺庶幾育腐風流未墜於地云

人物文章當思班馬山川考核貴法欽元雖不能至心嚮往之

志與史同乎曰不同史備衆體而志止分其一史其賞罰而志止取揚善大行大名小行小名恃乎揆擇者之卑登顧作史者毋患其漏而作志者又懼其濫是編人物鄉賢及列女名宦必公必慎無取陳詩之譏焉

杭州志及縣舊志區分人物好異標新名類太繁今稍爲賈貫照皇輿志記一統志例

錢塘縣誌

凡例

二

前代名賢久光志冊

本朝名公鉅卿政事文章彪炳耳目間者必俟蓋當商定之日始行編入如靈光頌果巍然無恙者例不敢載往蹟舊聞無虞聚訟惟近今人物鄉賢列女藝文數種衆望難厭或孝子慈孫思揚先美或騷人韻士期錄佳篇一拂其請未免謗尤交集然矢慎矢公不敢意爲增汰爲風爲雅所望共喟褒譏不懼人禍不畏天刑惟有仲尼知我罪我之心法在

選舉志搜覽頗廣猶恨未能詳備科日中先鄉後會次